

丹魁堂詩集

丹魁堂詩集卷六

江陰季芝昌仙九

古今體詩九十六首

讀梅伯言同年

曾亮

所爲先祖光祿公墓表

華言無當簡而崇體要如君乃肖衷孫老難乾范喬淚
世衰誰溯彥方功文章有道歸於雅間見當年記尙童
我愧子瞻遲述祖病餘草狀乞南豐

去秋始敘
行狀請文

同人養餘精舍賞牡丹

春陰已多時荏苒過穀雨手植幾牡丹僂指三年所今
年花怒生含苞一齊吐紫袍佩金印佳種此首舉輕紅

凸粉樓潔白，羶瓊羽隔窗。芍藥叢蓓蕾，小於黍一般。培壅勤枝葉，但楚楚姚王笑。嫣然彼相莫，余輔以茲護。花心專寄洛陽譜，且拌倒一樽，佞花花不語。

卽事借伯田韻

病後經春廢嘯歌，飯餘捫腹意如何。名花應接渾無暇，莫道園林是巖窩。

山近不游空，蠟屐花開雖暫卻。傾樽孫吳兵法陶猗術，一醉何堪與細論。

燕巢行

燕燕爾何知，雙羽來差池。一巢脫乳乍飛去，一巢又見

銜泥爲丈人之屋正如幕我亦猶之處堂雀爾今不畏
棟梁危令我安心傍城郭不然空庭生草萊主人一去
何時回綠窗繡戶日高矣歲蕤深鎖誰爲開人心不如
蟲鳥智風雨漂搖解相避握錢出卜問行藏何若棲枝
能擇地君不見櫺星門前靈鵲巢往年左右矜其遭今
年就中貪棗餽滿城豔煞披藍袍

荷葉

小院渾如畫井方攢盆編竹水中央依時盡想紅雲豔
繞步先知翠葉香莫待雨來方作蓋最憐莖弱不勝梁
東西底處游魚戲五老峯前十畝塘

萱花

問名多說可忘憂爭柰開當五月秋青弋江邊新浪逆
鐵鑪山下大星流時艱豐稔爲先策民力東南僅數州
膏雨不來心百結對花翻覺動生愁

憂旱

天公曾不解調停一例炎輪兩月經龍氣噓雲徒有說
鳩聲古雨竟無靈屯膏井斷初晨露釀暑先繁昨夜星
祇盼江湖能濟厄澤農猶可乞滄溟

欲上靈臺日相風烏頭不轉自南東分來豈有宮亭術
借爾誰成赤壁功殿閣生涼思舊迹絲絃解慍仗羣工

何時慰滿三農望收入詩心似魏公

半緣鋒鏑半飢驅不是尋常鄭俠圖白鴿參禪無恐怖
金陵難民牧紅羊換劫且驩虞天心移粟終相報人事
同舟必共呼老病殘生何處著徘徊端的戀粉榆
曲港橫塘早絕流故鄉書問一時休林泉自占庸爲福
草木無知也解愁身外同羣幾鷗鳥夢中殺賊萬貔貅
東南地窄人稠密許爲蒼生請命不

問雷

春雷始出地啟蟄卽發聲胡當盛夏際喑啞不一鳴懶
龍深潛在洞府屏翳遁藏無處所瘞官尸職徧諸曹此

會須煩震天鼓我聞霹靂司折衝列缺輔導風雲從若
非軒轅自主宰下土何以驚羣聾昨夜一聲聞虺虺不
陟層霄如入水阿香酣睡未曾醒那落英雄手中匕

壽子方同年七十

堯夫不赴生日會春秋安樂排行窩先生亦不與壽讌
風格與俗恆殊科今年年華政七十希韞鞠騰稱觴多
先生預戒勿張設客欲勸侑將攜呵不持一錢給謁者
酒樽未把慙顏酡我爲先生歎且歌先生許我斟紅螺
平生結念託霄漢天風琅琅鏘玉珂仙人儔輩不易覓
俯視塵世同委佗研經箋韻乃餘事康成叔重胸包羅

嶧山四十心不動學道雖晚猶相磋遠書昨日來江沱
願迎秋駕辭巖阿郎君門外自行馬白雲仍駐山蹉我
含飴至樂尙忍別始信碩人真軸邁昔陪冷宦此萍聚
出門常我茅衡過相知不厚在諛飾曷敢一字循曰窠
譬如鳳翔已千仞雀鸚頌美知云何眼前幸人得四老
且共風月閒婆娑十年瞬息壽八袞細君鬢髮方雙皤
題王蓉洲秦平陽斤卷子

關石和鈞典則貽當時柏翳佐成規末孫墮盡前王法
安用斤斤寸鐵爲

祖龍虐蝕等風馳隻手權衡一李斯獨有鑄成斤百廿

東游狙擊博浪椎

病中無聊戲成六詠

擡椅

泉明昇籃輿乘興出栗里方春自行樂柳嫩花如綺我
今被風淫四肢半無俚如夔跣行跛而不能履傷禽
不忘飛未曙仍先起書齋虛且明去纔卅弓耳呼僮將
坐遷前後從孫子我曾不出門家衞室則邇又無門生
來左右供臂使高風懷昔人籃輿豈如此

拄杖

一枝天台藤贈自城西叟

伯田晚號
城西蒙叟

方竹瘦而輕呼作

猶龍友薄物匪交易念老兩心厚去臘十三日我病若
僵柳數行報故人喜能舉右手歲除聞君疾云在祀竈
後相去祇一句二豎亦爲耦昨日江上書知君霍然久
我猶倚老藤蹇步蹇難走君其猶龍乎北斗勸觴酒

風帽

二月春複寒剪刀風惻惻病客畏風侵出戶裹頭亟昔
入東華門夜半天如墨西風撲面來引袖將口塞門洞
宵復深轟磕負大力欲前足超超噤寒行不得強進若
登山否則曠其職如今亦優閒可柰病相逼遮頂及兩
肩舊紅未黝黑輪他披嶺雲絮帽山路側

火鑪

平生恥趨炎天寒嫌向火北地雖苦寒薄冷猶枯坐夜
衾謝湯婆周旋徒溷我水火兩無情避熱歸一可近來
運掉乖手足病在左足寒本傷心矧乃更偏跛熏熏覺
微溫如船輕振柁撥芋固無緣踏甕常恐墮不畫鑪中
灰冬烘儘安妥莫任杜回顛笑倒晉魏顓

藥甌

吳君田勇我同庚我長僅一日寓居共虞山時時蘇我疾
藥鑪日一舉勞人幾能逸不如羅眾味鍊出膠如漆盛
之瓦甌中甘飲勝飴蜜自嗟精消亡小體復奚恤春融

萬物煦輕健當可必但留支離身飲食抱空質縱齊大年
榜終負仙井橘忽念醫國者方待扁倉術

虎子

仕進不知止侍中執虎子古人用相嘲官儀良可恥豈
知勇退人隨身不離爾我老賢氣衰頃刻瀉如水平居
戒飲茶六時尙十起劇憐寒疾辰強忍難寸晷褻器置
坐隅旦暮少休矣每驚禪中蟲擾擾思避徒嗚呼廉將
軍善飯三遺矢安能客魏齊醉溺范睢死

春陰雜感

冬旱旣太甚入春釀濃陰小雨動三日不成傳說霖徒

然空階上點滴不絕音天公雖博愛豈知病客心此心
百無願願埽浮雲侵

今雨曾無人舊雨亦睽隔老年筋力衰泥滑況黏屐勤
勤喚肩輿杖頭錢可惜獨有龐德公超然屏物役居則
擁衾臥出卽造我宅君看庭中苔誰來印行迹

河豚值一死坡翁傳快語今者不欲食孤負江水煮江

煮江魚江陰語也

牛酒死子美詩老遠如許我非能樂生發風

恐由汝東風上水時庖香勝肥豔染指忍老饕蘆芽摘
春渚

蠟梅已落盡几上排春蘭舊叢出新穎密密盆中攢一

經晴日熏芬馥如可餐
雨窗坐相對含情耐春寒
客來遶室行覲面不稍看
但誇曼陀羅滿樹錦作團
吁嗟空谷人賞音良獨難

述感

燒鉛猶在藥鑪前
安得輕身廁列仙
夜夢虛拋三度月
風災難免四禪天
懸車未屆先辭祿
環甲無能合讓賢
祇惜五年琴水漲
不會一泛七條絃

先皇卅載勵憂勤

歲錄昭垂卽典墳
昨歲尊藏成信史
羣寮編纂策微勳
朝廷明日歸公道
臣子攀髯慟昔聞
回首親依樞禁日

衰殘百感淚紛紜

肚皮那肯合時宜
烏石山邊兩鬢絲
欲使封疆尊漢節
敢方樽俎卻萊夷
經冬蒼翠依榕樹
過夏鮮新飽荔枝
慚愧

九重資整頓至今未有答恩期

自笑平生入世迂
立朝心共片雲孤
韓宣人信能辭玉
唐介天知不買珠
當路公卿竿牘少
歸田賓客竹絲無
殘年雖病庸非幸
已過歐陽與大蘇

蒲城相業繼韓城
尸諫當時隱大名
要奠金甌先禦侮
卽提玉尺亦持平
三番奏賦懸明鏡
一夕留賓酌巨觥

如此文章知已感可憐籍不隸門生

去年蝗旱饑饉臻聞道緇泥可食貧虎旅身家須飽粟
魚蠻租稅恐編脩閒居抵掌誠無術獨坐怡心賴是春
窗外幾叢花舊種不須十戶賦中人

清明時節戀松楸興疾難登百里舟誓墓何心辭剡水
還山無地築菟裘身親拜埽愁將闕足到槃珊笑未休
君阜東頭峯席帽終當歸侍九京游

石階五級聳三門漫說祠堂制度尊薄宦陶潛荒徑易
故鄉庾信小園存頻年觀望緣烽燧長日經營付子孫
莫怪清貧無厚殖眼前絲粟盡

君恩

老樹

老樹春深放葉時
下枝先發上枝遲
靜觀默會榮衰理
不是耄年人不知

薔薇

東面牆陰埋碎瓦
西邊臺上築新泥
插花樣勤澆灌
到得花時不等齊

觀荷

家居必種荷
看花恆苦少
既無池沼寬
但覺盆盎小
年來合作方塘形
同根殊器排廣庭
紅妝素面孰相避
嬋

娟流媚兼尹邢闌干倚遍俯花葉直似畫舫浮煙汀病
夫侵曉強出戶僮僕怪我尋晨星不知結跣對花坐須
臾便染衣衫馨惜哉一病百事廢難共花下傾仙醪金
鰲玉螭付夢想跛鼈豈復龍門經五老峯前近咫尺無
緣闖入雲錦屏此花頗與世情異肯慰衰老嗟伶仃我
笑謂花莫解語一語恐減花娉婷

消暑雜詠

書家運腕有神工左臂須令右臂通笑我半人如鑿齒
懶拈豪翰學楊風

晉帖唐臨贗本叢鉤摹況復出匆匆細參波撇求神似

畢竟停雲勝戲鴻

奇妒無端謂絕梯後人應笑古人迷年年歲歲花相似
髣髴空梁落燕泥

鶴聲一一尙遺留豪奪原來遜巧偷解識脫胎能換骨
古香都向筆端收

平生六法未精研妙畫看來隔霧煙但得置身邱壑裏
幼輿自擬已如仙

未見書多借一瓿居然暴富似貧兒柳州集在瓊儋日
始是精思熟讀時

不經不史不文章九百虔初遣畫長強半宋人風趣在

會心臧穀便忘羊

少年瓜戰賭輸贏爭向街頭買翠鬕秋暑鎮心猶畏冷
那堪冰齒井中擎

桂陰方竹已過牆秀色盈窗若有香雪月雨風渾異態
主人難似爾才長

榴花落盡紫薇開肯爲山家點綴來一樣嬌紅情韻少
不教人醉賞花杯

甘采荷花日遞尋蓮蓬采采露盈襟家人分餉胥嘗徧
此是乖崖種菜心

第一驕人六月天隨園詩句小神仙輸他蚤歲休官去

跌宕江山五十年

讀書已覺眉棱重就枕方欣骨節和

宋僧有規句

我幸折腰

曾未慣誰知病較老僧多

小龐歲歲送芳蘭自有名花不暇看靜對無言如澹友
一心修到兩閒難

研培枉步見訪別後戲呈

每經旬日賦將翱不惜東來玉趾勞出戶風衫晨氣爽
歸家火繖午曦高病無迎送容疏放老受摩挲若寵褒
漫學坡公邀毳飯黃梁白菜也都毛

走筆答研培

學飛無力逐翔翺臨水觀魚已畏勞入室最憐朋輩少
閉門敢託野情高眼前詩敵逢元稹世上錢神笑魯褒
甚欲安排十客具壺蘆爛煮淨除毛

謝楊書成惠鹿筋

南國山閒少麋鹿食肉寢皮徧燕市憶昔

天廚減珍膳日

賜含漿玉脂尾

已酉冬月蒙
鹿尾甚多且數

賜

老臣涕淚今未乾筋

力疲驚真耄矣鹿胎健藥棄空箱孤負門生憐暮齒聞

山兩角猶挂壁縱可煎膠曾有幾

皆實事

楊郎有意起廢

疾自北歸來惠充篋想當中原角逐時晉人不讓諸戎

倚鋌而走險亦何心折骨絕筋貢刀匕食之腰足果能
彊銜草補羸功略似君不聞中山人飽元鹿羹壽百廿
年作仙子

濱石翰編典試楚南爲研培封翁誌喜

月窟重開桂子紛天香一倍染氤氲無波湘水初迎櫂
過雨衡山好扶雲遠道關懷猶一老清門競爽恰三君
采蘭詩與皇華詠畫錦

恩光兩地分

五月閒詠奉太
守歸爲親壽

盼郭子芳不至

山中采藥尙遲留松下尋師問道悠悠荷盡已無花似鉢

薇殘猶有錦成毬先生便腹宜消暑居士離情易感秋
聞說廣場將校射亟須飛衛教凝眸

題吳剪田稚子候門圖

吳君論交今卅年朱顏皤腹忘華顛江鄉不足散腰腳
蠟屐常攬辛峯煙活人稍暇放歸棹心喜稚子迎門前
不知病家望君返日伺庭館如求仙淵明隱耕君隱醫
淵明責子君譽兒梨栗童心已拋盡況好紙筆能唔咿
爾來記事珠在手指近事勝似折腰甘五斗祇輸攜幼入
室時平生怕煞盈樽酒

觴桂感舊

鎖闥五桂齊著花西江榜出人爭誇我時病愈發逸興

許子

試臣中丞

攜手看繁葩皖衙三樹亦馨烈挈侶

伯田谷書諸友

高吟素秋節傳聞別後浸江波庭際柯條盡披折南方

桮木不足奇北土難見花盈枝會生

滌生侍郎

贈我樹四尺

巨盆壓擔譁鄰兒自從綰綬閩山下到日金英正堪把

亂頭蓬服兩三株尙有何心問杯罍歸來借地當林泉

主人不論買樹錢年年露冷風清候座上常參無隱禪

早花信後晚花續黃雪連番誰督促獨對今花念昔花

前塵如夢焉能贖我逢巖客仍舉觴行路都知臭味長

任是春來羣卉豔開門那得遠聞香

懷伯田

子居慕叔度不見生鄙吝暫別尙如此況乃歲月迅我
友聚于斯覲面輒心印會食無虛時如潮日雨汎座閒
劇談諧怡然理皆順有聞走相告卞急不逾瞬曉常盥
未畢夜或燭將燼以此三年來飲醇對公瑾念我閉蓬
廬門甚雜賓進吾舌雖尙存欲語車止輒君言如快馬
直斫千人陣心妙犀通靈解陋牛頓刃賞析詩書叢憂
喜鄉關訊庭花品榮落草木亦含潤自君辭絳帷余遂
嬰美疾胸中鬱噫氣一吐須千仞四顧無所攄懸鼓腹
如棘何當重接歡引杯相酌醕大笑發狂言聾聾一齊

震

中秋遇雨

積雨連朝冪溼煙中秋不見望舒圓難禁樂府星娥怨
誰把歌詞水調傳萬里陰晴環海證一輪盈缺抱雲眠
何人推枕驚新句真箇吹開倩管絃

書窗點點樹陰陰空說南樓酒共斟天柱能游原豁目
珠胎雖減豈關心木樨墜地憐殘粟穠樞登場怕苦霖
但使飛蝗常塌翼良宵甘遣月華沈

子芳和詩見投疊前韻

揮毫纔能漬松煙偶度覽寰曲調圓袁虎詩聲秋舫出

林宗風致雨中傳曉看澗礎占期候夜聽傾盆惱睡眠
我亦能諧山水趣清音莫悶伯牙絃

黑雲如墨又濃陰病裏深杯且淺斟蘭喜臨風偏弱幹
竹知受露可虛心山頭枕客憑修月禾耳愁人厭作霖
佳節已過忘世慣從周休爲卜升沈

方旣堂書來言卜生壙已成賦此寄之

司空引客坐生壙酌酒賦詩天所放中條山下王官谷
此是全歸完夙尙我今百事不挂懷要伴先人傍江嶂
青鳥子言不可得求劒刻舟將失當伏波老矣猶憤心
悔未裹屍戰場葬伯倫雖達終近狂荷鍤安能無定向

聞子往來葛嶺間親卜陰陽營壽藏君齒未也何蚤圖
觸我首邱增感悵我方勒轡下層坡子亦落帆收急浪
清風明月兩閒人合須自了生平帳可憐相望浙東西
幾時乘興山陰舫試挈平沙玉尺經爲我家山覓屏障

僧鞦菊

往歲階前茁幾莖今年無數綴秋英達摩履化如翻樣
陶令籬疏易竊名難覓黃花同我淡舊所產菊無發生者錯疑白
足笑相迎芒屨不踏繁華路冷雨幽窗爲寄情

以魚網網天竹防鳥雀食也示兩孫

留將七尺碎珊瑚雪裏看擎火齊珠世事空拋魚網慣

人情知有雀羅無階除得食慙何吝苦獲投身笑太愚
鳳凰卻須真竹實可能翔集到高梧

丁巳生日

霜清飈館又題糕排悶裁詩興尙豪驚雁不堪聞箭激
跛牂那復望山高閒身儘我甘鱸膾隻手煩人擘蟹螯
獨抱玉壺冰一片者番防護要堅牢

居然四代鳳將雛湯餅筵前醉共扶春長蘭孫花有兆

今年三月事

閏添藕節月同符

五月三十日得會孫閏月前一日也

仙游可許

從松子家計何妨賸木奴莫繪老人星獻壽年年惟賞

五湖圖

敢珍敝帚享千金卻笑東西託二林
明識揚雲供覆瓿聊存成式集題襟

四月初
拙詩成

吾文誰定相知少俗學難回

白悔深再得十年容老讀生涯拌作蠹書蟬

新覓神仙緬地方團圞兒女遞傳觴雲龍山遠纔歸鞅

張甥述庭與
三女還彭城

白馬湖寒正泛艍

六舟與二女
將自寶應至

老信功名

敲枕幻醉疑日月爛柯長會當扶上籃輿坐飽看籬東
晚節香

研培餉龍井茶

一片龍泓產開函尙嫩芽人情皆渴酒吾舌獨甘茶建
壑途方阻關津稅有加依然品清味雅貺重投瓜

子方復饋新茶

鄭侯一串太殷勤日注新湯點碧雲縱使貪眠愁水厄
今年肯著毀茶文

君來習習起清風老去交情淡愈濃可惜蘇門無四客
茶寮閒煞密雲龍

研培送園橘十數枚戲酬此詩

洞庭昨夜霜滿林三百顆入詩人吟一枝便足挑詩心
八閩嘉實大如盞懷果歸時餉親邨君亦同分貢餘享
爾來橘官少周旋離閩後巡綽官猶吳市紙裹非不妍
福橘行遠一紙包一枚吳門鬻者仍其卦重是君家樹上鮮璇樞星精散江

淚不復踰淮。造化枳固蒂深根。自今始吾生願作巴邛。
叟商山之樂無與偶。不知君能對弈否。李衡眷戀江陵。
洲臨老猶爲孫子謀。何如一叟逍遙游。

伯田研培子芳皆和生日詩仍次韻

小咏剛逢薦菊饒。繼聲何幸得三豪。松經東向歸原早。
鶴到南飛曲愈高。老去詩心抽獨繭。倦來書味嚼空螯。
世閒歧路羊多逸。且學莊辛說補牢。

記值雕檐燕引雛。洗兒羣爲太翁扶。軒眉時偶開樽笑。
鑷髮人應擲鏡符。積壤儻能如蛾子。護書當許乞狸奴。
馬卿遲藻工裁句。欲倩鍼神繡作圖。

研培詩來最遲而
愜意事多非富貴

紹聞人遠卽禎符色養自形花木媚
神怡彌覺歲時長等句用意絕佳

頭童豈復羨腰金把臂伊誰共入林坐隱中郎非戲局
病忘華子本澄襟閒評佳月思霜潔看擁寒雲盼雪深
且向幽窗理殘帙故人書札半哀蟬

采藥雖傳卻老方醉吟歲月付杯觴

香山著醉吟先生傳時六十七歲

家無祖約屏閒簾客有成連海上艤意必清真交自古
心緣鄭重語偏長柴門花月慙孤負韻入新詩字字香

再疊前韻示六舟

九烈何時享東饒家貧端不減才豪棲鸞地欲商仇覽
刻鵠人須效伯高莫爲齋心枯玳甲未妨俊味飫車螯

牽船上岸非長策好向湖邊築屋牢

老憊難勝一匹雛心防躓垤手親扶客游重辦尋山屐
鄉訊如通調水符聽讀漢書希子美願臨晉帖寫官奴
代飛燕雁知何意伴我淒清卽令圖

兼謂
述庭

無多陸賈越裝金兄弟繁於五桂林同室米鹽關學問
閉門風雨見胸襟泰山力薄名先起智水流長喜定深
肯怪博陵書盜盡腹中千卷不生蟬

將醫笑疾問何方弱女能來侍引觴搗藥常憐無斷杵

兩女皆
善病

卸帆始慰盼歸艍王超硯許傳元獻楊惲文應

似子長

謂外孫
重慶

梁上舊巢今好在雙棲爲補杏泥香

附六舟和作

凌秋健筆又題餽紅杏才名老更豪
花賞陶籬如獻壽人游蔣徑勝登高
達觀久悟莊生馬佳興還持吏部鰲
領取西齋題額意夕陽真箇繫船牢

公顏

觴齋曰
好繫船

羅列孫曾盡鳳雛
喜看雲路乍搏扶
槐堂合有餘
慶集芹泮先教蚤
歲符謝傅清談攜
道韞右軍書
學付官奴閒中全
樂容消受不是尋
常小隱圖
辭榮那羨帶圍金
歸老仍怡翰墨林
草長庭階足
生意花盈几案滌
塵襟座中客少交
原淡集外詩

多趣倍深誰識廿年持使節寒燈依舊勘書蟬
江分南北便殊方後至還應進一觴鶴步從容瞻
杖屨鯨波安穩送舟艤蕭齋每侍春風坐綺閣瀾
欣愛日長白雪深慙難屬和瓊瑤疊捧手餘香

附念詒和作

當年樞直拜花餽介壽紛來繡服豪持節尙餘溫
室戀抽簪輕別鼓山高相逢舊侶同霜鬢爲勸加
餐斫雪螯假館琴川仍是寄故鄉何日構雲牢

曾曾新喜獲鸚鵡雛轉盼相隨玉杖扶種德心原忘
美報試號聲已兆英符詩中佳句傳山谷

謂六日舟

下庸才愧阿奴省識家風清白在歸裝祇載荔枝圖

一曲陶籬菊滿金怕聽風雨打園林調心私幸捐
塵事觸耳常虞拂素襟愈麀倉公方定效養生莊
叟理尤深高年過午還防倦願節讐書辟蠹蟬

兩妹歸來本異方合歡剝下遞擎觴一明但得娛

萊綵千里何曾羨楚艤楊濱石近久隔蓬壺春色

麗好依椿蔭歲華長肥冬竊冀添佳興繞檻梅花

發早香

口占絕句

幾朝不踏蘚庭來雨過山茶無數開
漏洩春光何太早似爭十月嶺頭梅

鷺門見和生日詩三疊前韻奉訓

綺語刪除食祿饒瑤華折贈又詩豪
早官翻藥才逾豔未老思莚識最高
勇退我爲風六鷁橫行君合夢雙螯
大家漱石同孫楚礪齒今猶一半牢

誰將腐鼠嚇鵷雛大雅輪原不待扶
高蓋遠摩諸葛壘義出新台范家符
養閒安步尋鷗侶

謂伯田

懷舊親書付

鵠奴知否幼與邱壑裏鶯花小景亦成圖

敝貂季子不多金豈似山王擯竹林維嶽生
申須拜衮

彭翁二相皆以辛亥生

故鄉同甲自傾襟病魔如遂人情嬾詩癖

終輸客感深莫更牢騷談往事神仙脈望本爲蟬

幾從枘鑿問圓方無奈弓蛇影入觴絕徼頻年聞舉燧
大江千里隔飛艎人思介冑陰霾埽天與山林夕照長
底事隴頭逢驛使綺窗珍重遞寒香

附錄來詩

力疾新題九日饒良朋酬和筆俱豪手揮玉塵秋
還健身占金鰲地本高京洛年華一彈指鄉關風
物又持螯老憑詩句留駒影似惜亡羊急補牢
甲第英英起鳳雛當年平地看搏扶青雲遭際才

人少綠野風光晚節符菊淡正須松作伴竹深不
用橘爲奴香山高會留佳話合倩吳生一補圖
謂冠

英

鍍金安得比真金謬託同庚隔上林新寫蠅頭常
引分舊依驥尾荷推襟幸邀乙選才猶忝自笑辰
雌愧已深如膜重重都褪盡癡心除有學吞蟬

養病能否覓良方捷奏爭傳合舉觴楚尾已經安
衽席吳頭終見返餘鯨金甌無闕憂先減玉杖堪
扶日正長翹首東山如再起賡歌還傍

御鑪香

有竊余眼鏡墨匣者枕上得此解嘲

老花早換少花名插鬢琉璃與目成生怕觀書難細字
故教默坐養昏睛

殿前作賦製來新廿載周旋不去身五色筆還才已盡
隄廩也願別磨人

偷兒風雅絕堪憐愛向書齋熟路便似爲吾家珍世物
殷勤留得舊青氊

不局不鑰儘盤桓斜照剛消薄暮寒可惜盆梅遲數日
未登橫几倩渠看

十一月十二日大兵克復鎮江詩以誌喜

五年曾未脫兜鍪建業傳烽接潤州北顧城先收鐵甕
南條山盡鞏金甌凱歌梅柳迎春動捷奏貂蟬

懋賞優從此石頭非虎踞會聽饗旅落星樓

沿江鎖鑰儼重門設險雄圖往蹟存焦嶺孤軍遮兀朮
算山一鼓靖孫恩虞干不責征苗緩湯網兼寬困獸奔
咫尺鄉關安衽席冬檐曝背亦奇溫

因樹巢樓前梅葉甚盛皆手植也乞冠英繪健步
移梅圖感今思昔繫之以詩

癸丑歲除欲暮天家家爆竹催過年癡兒閒說買花去
紅梅一本來門前駢苞著樹含未吐酬以三百青銅錢

種當牆陰閱四載繁條已透樓南偏楊侯乙卯充餽歲
兩盆綠萼清且妍根拳枝屈厭拘束放成直幹栽花田
栽花先與覓花伴女三爲粲相聯娟兩番花事溯緣始
手親短鍤鋤寒煙當時雖不出門戶家園日涉猶輕便
花開攜客遶曲檻花落課僕澆新泉今年花感主人愛
競綴珠琲盈萬千而我弱行曳柳栗斗藪乃一花周旋
孤山老逋太偃蹇豈可眷屬姑射仙追憶羅浮縞衣夕
參橫月落空前緣少陵巡檐索花笑移梅健步蘇薛筵
昨邀道子對花酌許我寫景供留連心腸鐵石畫不到
暗香疏影知誰憐尙思補植滿苔院小屋喚作梅花楊

龍鍾坐我倚欄角或有水部詩情牽

伯田鷺門寄示唱和詩意勤語重令人起奮飛之

意次韻奉酬

詩人鑿混沌譬若巨靈擘半夜聞清鐘品到太華碧我
材類散木顧我無匠伯因知君馬黃偶獻遼豕白相思
不相見羈愁與時積蓉城雖云邇遠似桑乾磧昌黎別
二生奪之情孔迫隨曾久在秦竟被魏人逆兩君臥大
牀何啻樓百尺詩來譽過情欲我踵履迹豈識跼蹐行
拘墟復安適王喬仙不飛那可網鳬鳥羅浮一風雨離
合在旦夕我儻病霍然春波挂帆席

十二月十九日斫方竹一枝爲杖

此君不受雪霜欺親見牆東拔地時任杖得扶人健藥
取材須劇歲寒枝平生圭角看猶在一霎顛危覓已遲
爭似壺公仙術授青龍飛向葛陂騎

除夕醉歌

一冬斷雪風不號立春恆雨池生泡歲除屐響滿街市
聞說泥滑侵鞦韆先生獨坐倚烏几閒屏兩扇無人敲
孟嘗債券已燒盡寓公況絕錢神交浪仙祭詩笑多事
八十首但隨時鈔潛魚游鱗尾活活倦鳥鳴細喉咬咬
盆梅早開惜落蘂水仙遲放猶含苞枯僧入定眼如睡

一瓶一鉢仍難拋，午餐食飽自捫腹。杖蓆欲走腳匪勦，呼僮急爲昇盤輦。雖鍛羽翮思歸巢，迎門幼稚幾了髻。誰則額凸誰鼻齟，翁翁喚我驟聒耳。領之而已兼談啁，後堂女手半揔裏。中婦小婦垂雲髻，粉丸搓罷具酒餌。食經檢點通燔包，蛤蜊作羹雉作脯。太常今夕非齋庖，偶然回憶在官日。庭下常積鹿與麋，須臾樺燭爛于炬。屠蘇斟盞齊來教，阿瑩最小抹唇角。未及耄齒無樊淆，兩年影堂失拜叩。敢筮受福西鄰交，家人參賀合辭免。勿復環鄴牽衣嗽，公房謂此壻鄉好。書爲莊枕詩爲肴，不見老顛當餞歲。吟聲尙透松篁梢，我知歲似蛇赴壑。

卽繫其尾安能膠聊借呿唔埽塵全妙用正在無口匏
紛紛灰堆祝如願以論局量皆斗筭更乍起便斲臥
夜深少汗溫雙骹朝正廿載視庭燎到今醉夢安衡茅
明朝黃紬努頭出放衙卻被旁人嘲

丹魁堂詩集卷七

江陰季芝昌仙九

古今體詩七十九首

人日崑圃送刀魚

今朝人日草堂開
要對春盤倒臘醅
卻怪漁師送鮮晚
小鮮不爲老饕來

東門居近福山港
出水銀鱗喜早嘗
算似遠書遺尺素
勸加餐飯用情長

湖鱸不如江鱸美
我評江味俊於鮓
蘇髯恨到魚多骨

入口須乘未有髭

六舟怕食刀魚兼以嘲之

次韻和六舟刀魚歌

三蕉夜飲朝猶酣將軍此腹無饑貪春初烝罩動食指
妙味獨有嘉魚南貫顙殷紅背微碧入市條條真玉尺
云是東風新上潮博得幾千錢足陌最先薦網比頭鰲
登盤重似牛心炙族庖去乙良足嗤北客抽肝瀾可惜
予恭神術借還刀豈若肖形成定格子何對食乃隅向
祝鰓空喉色怱悵作詩譬之小范胸十萬兵皆衷甲仗
惠施未免不知魚刺弱鱗鮮總妍狀試看河豚欲上時
江水烹來猶遠餉當其膨脝鼓腹閒怒氣如吞鯨鰐浪
吾將大啖效老田一笑飛行愈風恙

去年伯田有疾
飽噉河豚而愈

詠王導

瓜葛休爭一局棋生成含笑爲佳兒尋常爛敗牀前果
不遣承歡長豫知

回車取節石頭城一樣元規愧士行還第角巾言在耳
西風障扇問何情

賓客當年集上都人人霑接太阿諛蘭闥彈指無多語
一笑迢然徧衆胡

外宅偏愁檢制疏騎羊稚子美璠璣平生風度高汀左
冷看倉皇駕犢車

對泣新亭有幾人累卿百口意悲辛怨仇不覓劉都督

由我翻能殺伯仁

眉生都轉北上在道虞山話別

頻年籌筆賴權衡暇與西湖訂舊盟劉晏通才關國計
枚舉速藻盡人情片帆夜雨尋閒客二月春風滿上京
曾負鹽車資大力簡雲良驥看安行

題眉生湖舫延秋圖

西湖五至不快游簡書知爲湖神羞腳鞭腰笏暫偷隙
安得米家書畫舟眉生示我湖舫延秋圖一船兩漿盟
閒鷗屋梁各出修禊帖蓬窗不污寒具油遂令西子莞
然笑如此妝抹眞風流我於畫中常見戴醇士妙肖一壑

與一邱而今三潭六橋都在一尺幅秋煙秋月毫端收
急持不落杯對之銷我愁酒酣翦燭聽君說東南水利
心綢繆沿江要使禦旱澇到處函筭胥環周我謂古來
幹事者除卻風雅無殊猷卽如西湖溉田一千頃葑泥
二十五萬餘丈開菱洲香山玉局兩修舉稱功百世盈
杭州君輩扣舷互歌唱芙蓉楊柳亦足迴吟眸豈非名
人所營度勝蹟永與雙隄脩多君湖上了公事及此閒
暇水晴山雨相句留半人一生少清福身居巖谷慳尋
幽詩成卷圖薄醉醒夢魂已到靈然之上南屏頭

題研培虞麓盍簪圖

圖中仍列四
老異其名耳

山鳴谷應同一音松茂柏悅同一林朝簪插頭不肯脫
幾見野服歡朋簪我昔繪圖歲在卯落落晨星數參昴
伯田一仿君再摹各印鴻泥留指爪君言歲月迅鷗蟀
仙藥會無駐年術江上芙蓉采已遙山中蘿薜垂逾密
我憐跼蹐成廢人君獨誇我詩不貧雨絲煙柳好時節
攤卷且展雙眉顰定香亭前記聯襪勸我來卜王翰鄰
十餘年果踐斯約夏侯亦樂虞山春龐公京雒舊同宦
白頭傾蓋猶如新詩筒酒盞幾耆友蓬飄萍聚皆前因
鑪添商陸自嗟老裴相乃是功名身科頭散髮若吾輩
任笑十拗由天真因病得閒諷蘇句一語見道書諸紳

埽門謝客洗塵耳如此美疾君何嗔近來東軒坐延佇
咫尺握手須兼旬令君之香劣三日卻賸日日圖橫陳
君勿苦厭金叵羅我勿復尋春夢婆臥者看花趁穀雨
遠者鼓枻乘鷗波依然斗酒詩百首鬢不重綠顏長酡
不知今代有四皓壽世孰與商山多

題子芳濯足萬里流圖

郭君眼界富於海陋儒望洋驚且駭欲令萬派盡朝宗
日購曹倉舊書買少年破浪繪此圖舉足便已輕江湖
平原樓外有覽者槃珊行汲何爲乎君不見大瀛周環
外九州掀波鯨鰐無時休世人但插紅塵腳安得盧敖

汗漫游

驟熱戲作

蹇翁三月不作詩午倦亦不耽書癡閉眸輒睡養昏目
垂頰自撚驚長髭日來雨過驟煩熱身在甑上無停炊
此心無著日不暮病骨曷以禁磨治亟召詩神爲排遣
神云請君何所之覓題不得君自狹令我驅暑將奚詞
且君短章亦僕邀一篇已了暑未移欲消長晝須百首
心血徒膏去聲飢蟲飢不若清涼一服散疑神用志無分
歧我聞此語忽收汗側身去就胡牀敲窗前稍稍竹風
動頗哀老子忘炎曦

荷尚未花曾孫周晬甫茁一葉

晬盤戈印任兒嬉剛見新荷茁一枝遇閏月如桐益葉
深根花趁雨知時傳家舊學須教續入世繁華不厭遲
一笑梁閒未窺客雞窠老祖太支離

曬書

那嫌三伏赫曦驕蠹蝕梅黧一例消有客分庭張犢鼻
幾人霑汗抱牛腰繁聲繙動風吹竹急陣收來雨滴蕉
莫怪郝隆誇太甚熱中強半腹猶枵

洗硯

滌筆冰甌本不羣自摩石友策殊勦何來茶餅分黃寔

豈有池塘署右軍，鸛鵒眼宜含活水。
龍蛇陣忽湧濃雲，笑他潔癖襄陽老。
捧硯螭頭墨污裂。

試墨

奚超父子泐傳薪，買櫝遺珠豈足珍。
藝不工書徒飲我，物惟多蓄最磨人。
金壺灑汁長懸望，曾孫周晔以金壺汁墨一匣賜之

銀匣浮香愛易新，多感養餘題永用。
西齋不厭日橫陳，詠春寄墨題曰養餘老人永用

看帖

讀書空費鎮心瓜，消夏閒披石墨華。
赤日暫忘身炙灼，黑雲能養眼昏花。
丈夫肯遶行閒蚓，病客羞塗紙上鴉。

頗憶來禽青李熟歸途五月載盈車

京寓法帖六舟
爲攜數種歸

子方封公輓辭

雷雨騎箕去虞峯夜氣淒竝時深慕蘭同志失攀嵇身
儉心彌泰風高物自低狂瀾仗清議後進孰提撕

舉世耽詞賦君偏習典墳解經徵叔重譜韻訂休文報
速天心厚離多子念殷如何卿月麗孤望痛飛雲

在昔官均席于今宅卜鄰五年憂樂共三徑笑言親采

藥憐同病

半月前君有遠
醫猶告余延診

披圖少一人桂觴相對後不

見酒沾唇

自我嬰癘蹇逾年不出門扶羸成永訣留坐覺餘溫拜

跪嗟筋力聲容繫夢魂長號負良友交道復何論

竹籬爲風雨吹倒亟命新之

倚石圍花曲徑橫居然野趣足平生偶思種菊無閒地
肯使東籬負盛名

補屋牽蘿事豈難瓜棚豆架有餘歡我非李沆爲時宰
贏得工夫葺藥欄

補題張約軒孤山探梅圖

依林結屋竹爲籬曾向蘭成借小園添種梅花三五樹

抵君客牖訪冰魂

寓園舊無梅花
近添植數株

西湖水色碧如油黃綬兒郎續快游勝似逋翁空子鶴

孤山孤絕替花愁

令子制
生寓浙

綸全昨日買菊淵甫今日買蟹薄醉有作

老夫積唐過重九樂事乃歸少年手同時俊味與佳色
雜然來進先生酒先生看花跛能履先生持螯動食指
秋英方帀小筵籬老饕且礪殘牙齒彭城邗水交傳烽
心繫兩女無歡悰彗星一月芒一丈豈獨上恐牛斗衝
今朝舉觴酹壽客催花已到新霜夕我詩剛換兩尖團
似向蘇髯尋舊策少年爲樂一春夢卽事功夫莫輕縱
歐陽不學介甫譏司馬橫行王吉重閒中作鬧無別奇
有花不賞情不怡餘糧棲畝稻蟹賤空負此腹真癡兒

因樹巢樓前又補梅兩本几上盆梅亦視往歲爲
夥惜同賞者無人也用蘇詩韻二首寄伯田

扶筇如入林逋村處處梅影招春魂室中盆盎檻前樹
能使老眼開眊昏病夫新年不見客獨許排悶常窺園
此花性格本孤蹇就我祇覺神情溫春寒留藥近一月
未願早放隨晴暈衣冠不爲韻友設端勝俗子來到門
避人自笑吾有癖會意妙在花無言綺窗故舊盡離散
孰與花榭傾金樽

隴頭不及江南村一枝春返詩人魂半年翰墨久塵瑤
今朝卻埽煙雲昏誰歟和者寄驛使有客正訪韓家園

吾鄉韓園
梅花最盛

君山梅院拋卅載昔時茵席難重溫有如跛
驢憶健馬欲以夕照回晨暾看花亦若讀書伴解人方
入崔儵門我心對竹日思鶴此意豈向他人言詠花遠
在草堂上見詩沃我椒花樽

崑圃饋紅梅兩巨盆復次前韻

痿人不許尋花村縞衣空斷羅浮魂參橫月落一霎眼
豈若清供娛朝昏從來凡物聚所好君況念我棲林園
空山美人不入座直令寒室無由溫招搖過市兩絕豔
顏色照耀東方暾送花受花雅人事卻笑忙到羅雀門
眾仙臞瘦不敢妒對此頽頽皆忘言不見昨宵醉年少

倚檻六逸窺殘樽

伴薇榭有梅六株

元夕研培分宿醞一壺走筆得一百五十四字

小兒觀燈競出走燈事今宵鬧人口先生獨有釣詩鉤
故人餽我一壺酒昨聞召客張瓊筵四十稱翁幾歐九
知君身入少年叢把盞思量同甲叟故遣青州一從事
來問對花能飲否癡龍不受別人憐酌酒勸觴須北斗
況是田間快活人不愛黃封愛紅友浮蛆滿甕經十年
君言此酒藏之久當時四海物普豐火齊水泉皆力厚
廉頗頃之三遺矢善飯不如杯在手醉中夢奪崑崙關
請謝麴生舉功首

錢伯瑜前輩

寶珠

寄示正月八日南園咏鶴二律

次韻

梅信纔傳庾嶺南，守寒憑仗羽旄旄。詩人慣感春遲早，
仙客閒窺伴兩三。新句能來七子浦，舊游重憶百花潭。
已亥奉使章門，同讌於百花洲。陸生好時嬉娛，日肯羨侯封似耿弇。
蒼苔俯啄徑通園，暢好門無車馬喧。善舞何心望崑閬，
倦飛那計謝籠樊。梳翎已短空盤勢，續脰誰長有斷痕。
識字檢書同一笑，算來清課勝乘軒。

春雪柬伯田

甲寅臘雪輒如毬，畫客詩翁共倚樓。比歲常嫌三白少，

占年翻送一春愁
代庖人笑河豚隱積雨
天遲隴麥穗
莫儘剪刀風惻惻
相如未典鸛鵒裘

省識傷心爲足寒
急呼鑪火坐盤桓
夜惟拋盞支衾臥
曉慣扶藜出戶看
文字有靈供遣日
兒孫何福替分餐

正月兒孫同里
君食之江鮮

澄江春漲濃如瀉
我愧灘頭上水難

淵甫餽河豚

小鮮不足饜老饕
割雞何必煩牛刀
楊家家風善行樂
歲時自勞猶烹羔
東風江上回漁舸
河豚如鼓收春濤
解黿相視識異味
膾熊不熟愁吾曹
琴川族庖笑縮手
食經欠此烏能豪
家人觀我頤欲朵
乞鄰計仿微生高

稚長監廚不請客以充遠餉乘輕艘挾晴刮膜漉出血

朱竹垞句

七字癢倩麻姑搔蘆芽橄欖併不屑江魚江水精

烹熬饒涎一嚥百味淡餘若霜蟹持空螯吾舌尚在齒
半落西施乳滑尤貪叨何曾下箸錢費萬我獨鄉夢尋
雙蒿季鷹鱸魚亦清美不知大嚼須醲膏五侯之鯖恥
入口文成馬肝死可逃區區鼎寶我能卽肯爲公餽徒
憂勞

念詒自江陰歸攜楊氏蘭賢書屋紅梅一枝見之

有感

四十年前庾信園漁人常入武陵源故家喬木渾無恙

喜見看花到子孫

花朝四詠首紅梅

丁亥年事

記折元亭蓓蕾來一箇軍持雙

卷樣花遲待得碧桃陪

我歸未及訪蘭賢奇字揚雲已證仙今日詠花人不見
對花能不淚潸然

扁舟兩夜耐春寒斜插銅瓶露未乾不是豔他紅貼骨
主人曾共綺窗看

硯培率詠春書成移樽金粟山房詒兒及兩孫皆
侍飲脫略禮數竟席不疲快然賦之

一病三及春山房闕樂飲夏侯久分飛龐公忽長寢偶

然聚二老雜客不同品矢笑信平遺口怕子彊甚欲發
吾言狂自覺舌本噤今朝海棠開紅茗鬪春錦非萍石
家壘王愷效羹飪酌以山陰醪醉我拙鳩樵滿斟亦傾
杯微酣不覓枕團團在中央兩姓默許審昔聞荀陳交
應求殷接衽將車與持杖二難習之檢行酒與下食入
龍共祇懷迢迢二千年到此直苒苒在我輩豈德星太史
合諮稟孰爲戀山林孰爲享官廩子孫無殊途文字一
鐫鉸我老何所營賴有詩來詒彥升晚好吟詎爲東陽
沈晉騰問餘漚化作濃墨藩暢然怡心神都忘行踽踽

獨坐

獨坐心情與物春
曉來窗几淨無塵
盆中蘭藥成租稅
瓶裏桃花乞比鄰
穀雨初晴魚數子
樹風忽亞鳥窺人
華胥一夢尋何處
旋向藜牀試欠伸

三月十二日崑圃置酒紫藤花下同飲

老藤閱世百許年
根留一片枝連蜷
盤空夭矯覆盈架
上如流蘇瓔珞相
縈牽小樓東面軒
窗敞吸取濃雲寄
心賞自從蹇足不
登梯一樣看花殊
俯仰舊夢全拋吏
部廳客寮豈似金
風長竹垞寓京師
稱古藤書屋解人
載酒從揚雲就花
爲壽張吾軍延年
之聲萬錢饌郁廚
一入歌舒筋但見
花神隄旁笑將語
滿酌紫霞觴欲舉
六身二首雨

同庚獻酢後先原有序主賓聞此皆歡然拂拂香風沁
清醕不須茶湯園子償十千且令獨樂溫公放春墅俗
春月放園見黃氏日鈔

盆蘭宿種齊開酬以短句

坐臥叢蘭裏天教遂我慵地閒香自聚人靜味逾濃定
占山家席想扶道士筇
嘉慶壬申癸酉閒江陰城隍廟跋道士種蘭極茂時往觀賞
一杯清茗淪領略獨從容

二十一日會飲養餘精舍牡丹未殘

穀雨三朝正牡丹預尋俗諺訂同歡花如貴客羣圍座
人在春風半倚欄
覓鱗魚犀非黑暗

酒杯寬

犀杯甚爲客譽

丙年相賞今重聚耐老逢場子細看

詠春瀕行過談別後卻寄

每於臨別見深情話到斜陽一檻明寄遠書嫌折麻泛

愛詩心爲采蘭傾

屬書四老唱和詩

衰顏借酒紅窺鏡清味分

茶綠滿甕多感殷勤相顧意畫船已向大河橫

往歲同尋荔子丹記曾閱歷共艱難曉籌烏石移山策

夜走朱泥卻鬼丸憑覓鄉園成隱舍厭聞滄海說狂瀾

因君好整旌旗暇薄送依依語未闌

老樹爲大風披折一枝

過午北風顛排牆震瓦連松鼃皆徙穴槐蟻不知年溜

雨青皮盡垂雲翠葉憐亭亭車蓋望應失故時圓

旣堂書來述其幽居之概悠然契心遂成短句

未病不出門已病日仰屋此身百無用於世儕草木臭
味誰與同榮秀皆我族烘晴報一花溜雨看眾竹披尋
扶弱孫澆灌課愿僕以此遭朝昏暇睡胡牀熟禽魚解
親人飛躍入吾目紛紛羅網中自謂天使獨彼美在浙
東寄興等松菊惜無縮地方竝宅鄰是卜沆瀣本一家
何但雲龍逐相將樂賞心四美具空谷勿令俗客知襪
襪來剝啄

文竹

文同老死篋管谷萬丈寒梢皆蹙縮化為蜩翼與蛇跗
五寸攢盆出雛竹誰歟肇錫以嘉名與可寫生今更生
伯時畫馬入馬腹用意果到真天成枝枝輕白閒深碧
雪月中閒宜此格獨怪庭空影許長收拾清風供瑤席
龐家爲我醉日分小友忽然來此君我將晨夜沃文露
文種本是干青雲

寄楊譜荃

少時安利橋南北相望褰裳隔大河自與二難來往熟
記開三徑笑談多池塘夢斷生春草令弟谷樽酒聲餘
書已逝
卷白波五十年中論舊事邯鄲枕上半消磨

江城吹到落梅風，索我題詩句未工。
汲黯正言原是學，釋之高論亦爲通。
晨星有數披雲在，夜雨無緣剪燭同。
試看天斜幾行字，可知身已等傷鴻。

邢春浦相國惠寄繖欲亭後集，竝附絕句見懷感。

成四律

交翠槐龍憶舊陰

柴廠舊寓鄰近公邸槐蔭皆濃

優閒何必入山深

卅年畫日歌雲筆，十卷黃扉綠野吟。
每飯不忘占歲念，滿腔仍抱濟時心。
長椿寺接慈仁寺，一例籠紗壁上尋。

偶然安步欲當車，曉市西街一徑斜。
人爲德音瞻赤舄，公惟老圃契黃花。
蹇行敢望隨仙驥，蚤起差同趁曙鴉。

讀到飯餘三里句

集中弄孫詩云飯餘強步輒紅香土

只東華

南方卑溼賤患重驢馴致風廢

杜集嚴詩舊雨行鱸江張翰昔連牆

詩餘左都

老儕五柳年

猶少

陶鳬前輩與公及詩餘唱和最多陶時八十餘矣

健寫雙松興正狂

詩餘畫慈

仁雙松圖

星聚陳羣憐久別

子鶴尚書

雪尋安道付相望

鹿牀侍郎夢

中萬里乘風未難遣音書達點蒼

石卿制府

丁戊消寒侍引卮玉珂風想夜參差

丁未戊申消寒之集王文愼夢堂孫

文定符卿李鐵梅吳崧甫張篠浦三侍郎每集必至公晚至先返以爲常

自依溫樹隨班熟

常爲邊烽退食遲

君國關懷無遠近林泉拜德有師資半人西笑知何日

白感襖欲集裏詩

自箴

邾莊執射姑憤而自投牀餅水起波瀾鑪炭遂隕傷王
述刺雞子擲地不得嘗腳踏復口齧有人笑其傍小則
德之類大則身之殃當其卞急時氣脈皆怒張飲食動
爲病言語都如狂和平以養福君子守其常古事可爲
鑑夙夜慎自防

輓伯田

舞象余方屈看君冠一軍始交緣角藝垂老尙論文蹤
迹親詩酒情懷憶樹雲嚶鳴五十載出谷此同羣

姑孰三年聚虞山又繼之

平生游處此六年相聚最久

繪圖兼地主

請業得人師自送君歸日剛催我病時往來離合數詹

尹儻前知

去夏龐公逝銷沈賞桂筵卽今花有信依舊淚如泉詩

畫名何益金蘭契獨先西山朝爽氣不到子猷前

大兒孔文舉中道惜楹書

誦庭學博蚤逝

穀食難收併莊襟老

帶餘棲禪經是藥傲世筆爲鉏賸有白頭伴孫曾慰起

居

素車驂白馬張范夙心盟難撫牀琴慟惟悲薤露聲夢

疑梁月照天定酒星明慧業文人盡伊誰和與賡

重九日雨走筆簡研培研畬

一年重九肯虛擲四時變態相交易通人出語卽詩心
怪底蘇髯喙三尺海虞七度過重九年年閒挂東山屐
今年風雨不成詩閉門笑倒催租客五叢巖桂紛飄零
爛委泥沙良可惜美人蕉褪猶作花錦荔枝殘常吐核
海棠恃寵太矜驕新沐紅妝媚晨夕就中一株老少年
丹帔黃裳倚苔石似在山林獨賞秋對之慰我顛毛白
我心日念釣游鄉傷逝懷人百憂積伯田鸞門新逝得詩夢寄
西飛鵠醒覺雲中摧健翮交非杵日豈相知病怕簪纓
真是癖眼前兄弟插茱萸我亦清漳來夾宅登高腰腳

本難勝況遣淋漓溼巾幘詩筒急遞子雲亭爲我微吟
暮煙碧

研培見和前作次韻答之

幼輿不意飛梭擲且喜且驚還辟易美人妙手捷於風
繰得新絲金粟尺昨緣佳節偶題箋聊當游山阮孚屐
知音無幾可相貽獨寄蘭馨

研培堂名

老詩客秋英滿院替

春芳騷人例許相憐惜惜無酒狂石曼卿裏泥種徧仙
桃核一花一草儘關心賴此永朝兼永夕如君臭味肯
差池知我甘心戀泉石故能風雨感雞鳴每見如新兩
頭白我昔八閩理歸棹鷁首衝冰春雪積君先迓我話

掀蓬誇我早斂摩雲翮而今癘病日支離猶幸買山成
隱癖君有佳兒簞節回僂指喧闐虞麓宅定攜荔子侑
霞觴博得歡顏頻岸幘爲問鼇峯數故人憶否重陽九

仙碧

福州九仙山
亦名九日山

展重陽日金粟山房餞崑圃書成赴浙闈秋試時
研培研畚寶生皆在座

靈鷲峯前飄桂子中秋明月繁香裏豈知人鏡兆芙蓉
十月穠華致千里掄材方借浙西闈最近蘇松多杞梓
韓愈縻茲習二生酒酣興爲風雲起我嘗北踏東華塵
緩緩槐黃承

詔旨肅霜九月天甫寒科被宵溫逾縕臬稠疊蒙

恩三十春溯自初元鹿鳴始座中持問老同年

謂研記

否騎驢過燕市甘科故事已陳因

壽勝于今軼前軌暫遣江南驛使梅照耀湖山堂有美
兩家柳色許同春獨有龐楊與我親一霎辛峯亭子上
東頭爭看錦標新

盆菊置假山上粲然可觀示兒孫

京居我生日門生不載酒采菊當稱觥環侍屋左右往
往送花人十車凸罍缶家術今七年吾齒六十九吳俗
際斯辰鋪張祈壽耆兒孫稍解事歲例蒲騷狂霜遲氣

候緩含蓄小春首思量出新樣刻畫東籬醜秀石插滿
頭高低映窗牖粉牆圓月中雲錦在部塲意謂晚香晚
珍護冀其久且願几案閒舉睫照眸陡結脚卽周覽不
煩策筇走諒此安佚心善爲支離叟我謠無與歌盼煞
接花手旣老曰而傳傳詩果誰受供花祝延齡獻詩開
笑口試問柴桑村有此孫子否火急聽伊唔莫甘糠粃
後譽兒吾固能酬汝以大斗

招硯培

寒豔居然錦繡堆貧兒暴富轉徘徊賞心惟有陶元亮
倩喚籃輿得得來

十月十八日出北門看紅葉

七載游山第一回
破山寺外石橋隈
停興真爲楓林坐
獨策吟筇謝客陪

赤城霞起絢山坡
吾谷今輸石虎多
絕似舒桐歸路上

楓丹松翠盡交柯

己亥西江使還舒城
桐城之間紅葉最盛

楊簡侯方伯

能格

和詒兒詩感及昔年文字之雅

緬然有懷次韻爲答

彩毫頻染

御鑪煙

殿上摩空作賦先
鉅製長楊三月麗
新詩角黍萬人傳

癸卯三月大考四月考差余
皆與閱卷角黍乃考差詩題
慙上水船一見絲桐猶欲撫
柴桑挂壁笑無絃

清瑤徐引潤明珥梅信遲遲耐薄寒
車馬江干負傾蓋
屢荷見訪旌麾吳下記揚鑾
玉堂制草應同夢
芟舍甘棠許再看
喜遇青溪舊相識
胡牀笛弄肯辭桓

簡侯乞題其高祖玉峯尚書恩澤遺留卷冊

曩披經世文
名臣萃章疏
一篇論鹽法
洞中禹筴務惜
哉編纂疏
盛業漏援據
賀蕩耕中丞
編經世文
緬懷百
僅載尚書鹽法一疏

粵閒勛名勒鐘鐻
今觀尙方賜

天題寶連璐
當年石投水

聖祖方在御一片紫琳腴俾借前籌著想像草奏時墨
瀋漬豪素而以敬愼心什襲計之豫蘭亭弄真本肯爲
蕭翼狙龍泉副太阿刻銘願長護不虞鏤鈇飛神化延
津路會元戀祖澤完璧徵詩句韓皋笏三葉尊藏尙如
故矧茲五世昌藩翰復遭遇博物酬茂先青鐵殿前付
臣書肖米顛刷字看騰翥行捧香案硯淋漓染文露漢
家恩澤侯貽留何足慕猗嗟卽墨封千禩永延祚

送濱石供奉假滿還京

已羅珊瑚八閩才貫月星槎海上同心繫文章酬奉
詔身依色笑戀循陔三冬正喜占豐雪五載重逢話別

杯我有弱孫愧貽厥題詩北固恐難陪

時楨孫偕行

送楨孫就婚京師

汝兄年十五挈之至七閩維時共水陸楊大字詠春迢迢五千里與我成三人餐宿有必偕動作日以親汝今從次公屬車隨後塵通家及三世疇昔氣誼真汝雖弱而愿父執誨爾諄行矣吾放懷毋爲徒酸辛

毘陵兩舅氏射陽姑之夫道路見親懿中心慰馳驅汝父送兩程臨別當踟躕新年猶未春朔風擁寒鑪上都吳季子

謂冠英

一諾珍瑤瑜蹇修孰爲理恃有將伯呼二

月紅杏鬧三月天桃敷僂指數令辰吾意輕脩途

四槐舊廬中十數年偃仰自我出京華時時勞夢想問
汝丈人屋近拓小園敞翳然蒔花木綠陰入幃幌我貧
尙有書留付寓公掌期汝燕婉餘博議振新響婦翁得
冰清朗鑑如樂廣庶幾把陳編下酒物亦爽

老年送遠別未別先涕洟況我癰病久弱孫乃告離平
居傍左右出入相扶持一別將數月望眼何以支鹿車
還鄉里古風心可儀母家固忍愛鄭重親結襦閨春日
已長歸轡勿稍羈雙雙慰倚門正熟櫻桃時

吳勇田送紅梅兩株

吳君送花連樹起健兒頰肩照堂堦云自金陵全盛時

購種歸來歲壬子此花寓茲八九年新條老幹爭爲妍
鶴林花解避兵燹慣與逸客同周旋君今捐愛贈之我
饋歲相沿計非左研培崑圃寶生皆曾歲杪饋梅金身丈六入祇林眾
香國中皆卻坐鑪烘火迫幾牡丹昨朝壓擔煩州官世
閒富貴薄春夢不若綺窗盟歲寒